

ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2024 թվականի մայիսի 22-ի, ժամը 14:00-ի նիստի
N 10 արձանագրությունից

ԼՍԵՑԻՆ.- Հայաստանի պետական տնտեսագիտական համալսարանի բիզնես վարչարարության ամբիոնի պրոֆեսորի թափուր պաշտոնի համար հայտարարված մրցույթին մասնակցելու նպատակով («Առավոտ» օրաթերթ, 15.03.2024, N 047) բիզնես վարչարարության ամբիոնի պրոֆեսոր, տնտեսագիտության դոկտոր **Անահիտ Սերգեյի Մելքումյանի**՝ ռեկտորի ժամանակավոր պաշտոնակատարին ուղղված դիմումի մասին հարցը:

Զեկուցող՝ գիտական խորհրդին կից մրցութային հանձնաժողովի նախագահ, միջազգային տնտեսական հարաբերությունների ամբիոնի վարիչ, տնտեսագիտության թեկնածու, դոցենտ **Ա.Ա.Մկրտչյան**:

Զեկուցողը նշեց. «Առավոտ» օրաթերթի 2024 թվականի մարտի 15-ի N 047 համարում **հայտարարվել է մրցույթ Հայաստանի պետական տնտեսագիտական համալսարանի բիզնես վարչարարության ամբիոնի պրոֆեսորի թափուր պաշտոնի համար**: «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհրդի 2021 թվականի ապրիլի 14-ի N 9 - 1 որոշմամբ հաստատված ««Հայաստանի պետական տնտեսագիտական համալսարան» պետական ոչ առևտրային կազմակերպության ակադեմիական կազմի ձևավորման կանոնակարգի» 9-րդ կետի համաձայն՝ «**Պրոֆեսորի** պաշտոն կարող են զբաղեցնել այն անձինք, ովքեր համապատասխան մասնագիտությամբ ունեն գիտությունների դոկտորի կամ թեկնածուի (PhD) գիտական աստիճան և պրոֆեսորի գիտական կոչում, կամ գիտությունների դոկտորի կամ թեկնածուի (PhD) գիտական աստիճան և հրատարակված առնվազն 20 գիտական աշխատանք (այդ թվում 4-ը՝ ազդեցության գործակից ունեցող ամսագրերում), հեղինակ են (կամ համահեղինակ են) դասագրքի կամ ուսումնական ձեռնարկի կամ մենագրության, ունեն 15 տարվա գիտմանկավարժական ստաժ»:»:

Կառավարման ամբիոնի պրոֆեսորի թափուր պաշտոնի համար հայտարարված մրցույթին մասնակցելու նպատակով 2024 թվականի մարտի 26-ին ռեկտորի ժամանակավոր պաշտոնակատարին դիմում է ներկայացրել բիզնես վարչարարության ամբիոնի պրոֆեսոր, տնտեսագիտության դոկտոր **Անահիտ Սերգեյի Մելքումյանը**: Պրոֆեսորի թափուր պաշտոնի հավակնորդը Հայաստանի Հանրապետության օրենսդրությամբ, «Հայաստանի պետական տնտեսագիտական համալսարան» պետական ոչ առևտրային կազմակերպության կանոնադրությամբ և

««Հայաստանի պետական տնտեսագիտական համալսարան» պետական ոչ առևտրային կազմակերպության ակադեմիական կազմի ձևավորման կանոնակարգով» սահմանված պահանջներին համապատասխան ներկայացրել է անհրաժեշտ փաստաթղթերը (առկա են նաև ատեստավորման (վերապատրաստման, որակավորման բարձրացման) փաստաթղթերը):

Ա.Ա.Մկրտչյանը նշեց, Ա.Ս.Մելքումյանը ծնվել է 1959 թվականի նոյեմբերի 2-ին Երևանում: 1976 թվականին ընդունվել է Երևանի ժողովրդական տնտեսության ինստիտուտի (ԵրԺՏԻ, ներկայում՝ Հայաստանի պետական տնտեսագիտական համալսարան, ՀՊՏՀ) աշխատանքի էկոնոմիկայի և կազմակերպման ֆակուլտետի «Աշխատանքի էկոնոմիկա» մասնագիտության առաջին կուրս, որը գերազանցության դիպլոմով ավարտել է 1980 թվականին՝ ստանալով տնտեսագետի որակավորում: Ա.Ս.Մելքումյանը 1980-1983 թթ. թվականին սովորել է ԵրԺՏԻ-ի առկա ուսուցման ասպիրանտուրայում «Աշխատանքի էկոնոմիկա և գիտական կազմակերպում» մասնագիտությամբ: 1992 թվականին ընդունվել է Հայաստանի ամերիկյան համալսարանի Գործարարության և մենեջմենթի քոլեջ, որն ավարտել է 1994 թվականին՝ ստանալով գործարար կառավարման մագիստրոսի աստիճան:

Ա.Ս.Մելքումյանը 1984 թվականին Սանկտ-Պետերբուրգի Ա.Վոզնեսենսկու անվան ֆինանսատնտեսագիտական ինստիտուտում պաշտպանել է թեկնածուական ատենախոսություն և նրան շնորհվել է տնտեսագիտության թեկնածուի գիտական աստիճան: 1990 թվականին նրան շնորհվել է դոցենտի գիտական կոչում «Տնտեսագիտություն» մասնագիտությամբ: 2006 թվականին պաշտպանել է դոկտորական ատենախոսություն և ՀՀ ԲՈԿ-ի (ներկայում՝ ԲԿԳԿ) կողմից նրան շնորհվել է տնտեսագիտության դոկտորի գիտական աստիճան, իսկ 2010 թվականին՝ պրոֆեսորի գիտական կոչում «Տնտեսագիտություն» մասնագիտությամբ: Ա.Ս.Մելքումյանը ունի տվյալ բնագավառի ինչպես գիտական, այնպես էլ ուսումնամեթոդական աշխատանքներ, որոնց ընդհանուր թիվը 60 է, որից 40-ը՝ դոկտորական ատենախոսությունը պաշտպանելուց հետո (3 դասագիրք, որից 1-ը՝ համահեղինակությամբ, 5 մենագրություն, 1 գրքույկ, 2 կոլեկտիվ մենագրություն, 2 դասախոսության տեքստ, որից 1-ը՝ համահեղինակությամբ, 2 մեթոդական ցուցումներ, 1 առարկայական ծրագրի ուղեցույց, 29 գիտական հոդված՝ տպագրված ՀՀ գիտական ամսագրերում, որից 5-ը՝ համահեղինակությամբ, 11 գիտական հոդված՝ տպագրված միջազգային գիտական ամսագրերում, որից 7-ը՝ համահեղինակությամբ, 4 գիտական հոդված՝ տպագրված միջազգային գիտատեղեկատվական շտեմարաններում ընդգրկված ամսագրերում, որից 2-ը РИИЦ-ում (1-ը՝ համահեղինակությամբ), 1-ը՝ Scopus-ում՝ համահեղինակությամբ, 1-ը՝ Web of Science-ում՝ համահեղինակությամբ): Գիտական աշխատանքները հիմնականում վերաբերում են մարդկային ռեսուրսների կառավարման, աշխատանքի շուկայի և զբաղվածության հիմնախնդիրներին: Ա.Ս.Մելքումյանի

գիտական ղեկավարությամբ պաշտպանվել և ՀՀ ԲՈԿ-ի (ներկայում՝ ԲԿԳԿ) կողմից հաստատվել է 3 թեկնածուական ատենախոսություն:

Աշխատանքային գործունեությունը: Ա.Ս.Մելքումյանը 1983 թվականի դեկտեմբերի 1-ից առ այսօր աշխատում է Հայաստանի պետական տնտեսագիտական համալսարանում. 12.1993 - 02.1985՝ ճյուղային լաբորատորիայում՝ կրտսեր գիտաշխատող, 03.1985 - 10.1988՝ աշխատանքի էկոնոմիկայի և գիտական կազմակերպման ամբիոնում՝ ասիստենտ, 11.1988 - 11.2010՝ դոցենտ, 12.2010 առ այսօր՝ աշխատանքի տնտեսագիտության (ներկայում՝ բիզնես վարչարարության) ամբիոնում՝ պրոֆեսոր, 12.2018 - 04.2024՝ բիզնես վարչարարության ամբիոնի վարիչի ժամանակավոր պաշտոնակատար: Ա.Ս.Մելքումյանը եղել է միջազգային մի շարք ծրագրերի, այդ թվում՝ Եվրամիության TACIS, ԱՄՆ միջազգային գործակալության (USAID), ՄԱԿ-ի Զարգացման ծրագրի փորձագետ:

Ազատ տիրապետում է հայերենին, ռուսերենին և անգլերենին: Ունի 1 որդի:

Ա.Ա.Մկրտչյանը նշեց. Հայաստանի պետական տնտեսագիտական համալսարանի կառավարման ամբիոնի 2024 թվականի ապրիլի 23-ի նիստում (արձանագրություն N 10) քննարկվել է բիզնես վարչարարության ամբիոնի պրոֆեսորի թափուր պաշտոնի համար հայտարարված մրցույթին դիմած հավակնորդ Ա.Ս.Մելքումյանի՝ «Հայաստանի պետական տնտեսագիտական համալսարան» պետական ոչ առևտրային կազմակերպության ակադեմիական կազմի ձևավորման կանոնակարգի» 22-րդ կետի պահանջներին համապատասխան հավակնորդի վերաբերյալ կարծիք արտահայտելու և քվեարկությամբ երաշխավորելու մասին հարցը: Բաց քվեարկության արդյունքներով (կողմ՝ 18, դեմ՝ 0, ձեռնպահ՝ 0) ամբիոնը երաշխավորել է Ա.Ս.Մելքումյանի թեկնածությունը ամբիոնի պրոֆեսորի պաշտոնում:

Գիտական խորհրդին կից մրցույթային հանձնաժողովի 2024 թվականի ապրիլի 30-ի, ժամը 15:00-ի նիստում (արձանագրություն N 4) քննարկվել է բիզնես վարչարարության ամբիոնի պրոֆեսորի թափուր պաշտոնի համար հայտարարված մրցույթին դիմած հավակնորդ Ա.Ս.Մելքումյանի՝ ««Հայաստանի պետական տնտեսագիտական համալսարան» պետական ոչ առևտրային կազմակերպության ակադեմիական կազմի ձևավորման կանոնակարգի» 23-րդ կետի պահանջներին համապատասխան հավակնորդի՝ հայցվող պաշտոնին համապատասխանության վերաբերյալ եզրակացություն տալու մասին հարցը: Հավակնորդի՝ հայցվող պաշտոնին համապատասխանության հարցը դրվել է մրցույթային հանձնաժողովի նիստի բաց քվեարկությանը: Քվեարկության արդյունքներով (մրցույթային հանձնաժողովի 10 անդամից նիստին ներկա էին 9-ը. կողմ՝ 9, դեմ՝ 0, ձեռնպահ՝ 0) որոշվել է, որ բիզնես վարչարարության ամբիոնի պրոֆեսորի թափուր պաշտոնի համար հայտարարված մրցույթին դիմած հավակնորդ Ա.Ս.Մելքումյանի

Թեկնածությունը համապատասխանում է հայցվող պաշտոնին: Ա.Ա.Մկրտչյանը գիտական խորհրդի անդամներին հորդորեց հաշվի առնել ամբիոնի և մրցութային հանձնաժողովի նիստերի որոշումները:

ԱՐՏԱՀԱՅՏՎԵՑԻՆ.-

Դոցենտ Ա.Վ.Գրիգորյանը:

Հաշվի առնելով վերոնշյալը՝ գիտական խորհուրդը որոշեց Հայաստանի պետական տնտեսագիտական համալսարանի բիզնես վարչարարության ամբիոնի պրոֆեսոր, տնտեսագիտության դոկտոր Անահիտ Սերգեյի Մելքումյանի թեկնածությունը դնել գիտական խորհրդի փակ գաղտնի քվեարկությանը՝ բիզնես վարչարարության ամբիոնի պրոֆեսորի թափուր պաշտոնի համար հայտարարված մրցութին մասնակցելու համար (որոշումն ընդունվեց բաց քվեարկությամբ, միաձայն. գիտական խորհրդի 60 անդամից նիստին այդ պահին ներկա էին 49-ը. կողմ՝ 49, դեմ՝ 0, ձեռնպահ՝ 0):

Քվեարկության արդյունքներն են. գիտական խորհրդի 60 անդամից նիստին այդ պահին ներկա էին 51-ը, քվեարկությանը մասնակցել են 51-ը: Փակ գաղտնի քվեարկության արդյունքներն են. կողմ՝ 51, դեմ՝ 0, անվավեր քվեաթերթիկ՝ 0:

ՈՐՈՇԵՑԻՆ.- Հիմք ընդունելով «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհրդի 2021 թվականի ապրիլի 14-ի N 9 - 1 որոշմամբ հաստատված ««Հայաստանի պետական տնտեսագիտական համալսարան» պետական ոչ առևտրային կազմակերպության ակադեմիական կազմի ձևավորման կանոնակարգի» 31-րդ կետը, բիզնես վարչարարության ամբիոնի պրոֆեսորի թափուր պաշտոնի ընտրության նպատակով գիտական խորհրդի նիստում ընտրված հաշվիչ հանձնաժողովի նիստի N 2 արձանագրությունը և փակ գաղտնի քվեարկության արդյունքները (կողմ՝ 51, դեմ՝ 0, անվավեր քվեաթերթիկ՝ 0)՝ Հայաստանի պետական տնտեսագիտական համալսարանի բիզնես վարչարարության ամբիոնի պրոֆեսորի թափուր պաշտոնում համարել ընտրված տնտեսագիտության դոկտոր, պրոֆեսոր Անահիտ Սերգեյի Մելքումյանին:

Գիտական խորհրդի նախագահ՝

Գիտական խորհրդի քարտուղար՝

2024 թ. մայիսի 22
Երևան

Ա. Վ. Գրիգորյան
Է. Վ. Կարսիյան

